

Прохання на сугубій єктенії

Милостивно призри, Господи, на недуги и болезни людей Твоих, и умилосердися, мы бо в покаянии Тебе исповедающеся зовем, скоро услыши нас и помилуй.

Ещё молимся, о еже прияти Богу покаяние нас, грешных рабов Своих, и очисти нас от грехов наших, и беззакония наша отъяти от нас; рцём вси: Господи, услыши и милостивно помилуй.

Ещё молимся Тебе, Господу Богу нашему, о еже явити нам милости Своя великия и уставити болезненное поветрие сие, недугующих же исцелити и здравие подати; молим Ти ся, услыши и помилуй.

Молитва во время губительного поветрия и смертоносных заразы

Боже Великий и Вышний, Благоутробный и Человеколюбивый Владыко, услыши нас недостойных рабов Твоих, во множестве милости Твоея и низпосли нам помощь Твою во время нашествия болезни губительная на род человеческий, Твоею Кровию искупленный.

Вемы Господи, яко согрешихом пред Лицем Твоим и грехом нашим несть числа. Но умилосердися и отврати от нас гнев Твой праведный на ны движимый. Не прогневайся на ны зело, Ты бо рекл еси, яко радость бываает на небеси о едином грешнице кающемся. Приими ныне и наше покаяние, слезы и смиренные молитвы возносимыя из глубины сердец наших пред святым олтарем Твоим.

Отче щедрот, Боже всякого утешения, укрепи ны молитвами Преблагословенная Владычицы наша Богородицы, силою Честного и Животворящего Креста, святого великомученика и целителя Пантелеимона, святителя Луки, исповедника Крымского, святых врачей и целителей наших: Агапита, Дамиана, Ипатия Печерских и Всех святых земли наша и прекрати болезненное поветрие и отжени от нас всякую болезнь и немощь, да избавльшися от всякия напасти Рукю Твоею крепкою, поработаем Ти со всяким благодарением. Да яко и ныне причащающеся Твоего неизглаголанного Человеколюбия, поем и славим Тя, Творящаго великая и чудная, славная же и изрядная.

Яко Ты еси Источник исцелений, Боже наш, и Тебе славу возсылаем, Отцу и Сыну, и Святому Духу, ныне и присно, и во веки веков. Аминь.